

Հ Ա Շ Վ Ե Տ Վ ՈՒ Թ Յ ՈՒ Ն

2023 թվականի հունիսի 21-ից 24-ը

Բելգիայի Թագավորություն (ք. Բրյուսել) գործուղման արդյունքների մասին

1. Անունը, ազգանունը, զբաղեցրած պաշտոնը՝

1) Ներսես Զեյնալյան՝ ՀՀ ՊԵԿ միջազգային համագործակցության վարչության պետի պաշտոնակատար:

2) Սոսե Ստեփանյան՝ ՀՀ ՊԵԿ նախագահի խորհրդական:

2. Գործուղման վայրը և ժամկետները՝

Բելգիայի Թագավորություն, ք. Բրյուսել, 2023թ. հունիսի 21-ից 24-ը

3. Հրավիրող կողմը՝

Համաշխարհային մաքսային կազմակերպություն

4. Գործուղման նպատակը (աշխատանքային ո՞ր խնդրի լուծման համար էր նախատեսված գործուղումը)՝

Յուրաքանչյուր տարի Համաշխարհային մաքսային կազմակերպությունը (այսուհետ՝ ՀՄԿ) գումարում է խորհրդի նիստ, որտեղ հաստատվում են ՀՄԿ մշտապես գործող կոմիտեների, ենթակոմիտեների, հանձնաժողովների տարեկան հաշվետվությունները, այդ թվում՝ մաքսային գործի ոլորտում նոր մշակված կամ փոփոխված գործիքներն ու ստանդարտները: ՊԵԿ պատվիրակության մասնակցությունը ՀՄԿ խորհրդի նիստերին նպատակ ունի ապահովել Հայաստանի Հանրապետության ներգրավվածությունը մաքսային կարգավորման և միջազգային մաքսային հարաբերությունների զարգացմանը, ինչպես նաև դրանց վերաբերյալ Հայաստանի Հանրապետության մաքսային մարմնի դիրքորոշման ներկայացումը:

5. Քննարկված թեմաները՝

Նշված նիստերի ընթացքում քննարկվել են հաշվետու ժամանակահատվածի ընթացքում կարողությունների զարգացման, այդ թվում՝ առցանց ուսուցման, բարելավրթության, գենդերային հավասարության և այլ ոլորտներում ՀՄԿ կատարած աշխատանքները, ապրանքների դասակարգման, մաքսային արժեքի և ապրանքների ծագման ոլորտներում մշակված նոր գործիքները և ստանդարտները, ինչպես նաև էլեկտրոնային առևտրի, տվյալների ռազմավարության, ԱՀԿ առևտրի դյուրինացման համաձայնագրի, ապրանքների բացթողման ժամանակահատվածի, հետբացթողումային հսկողության ոլորտի, ապօրինի առևտրաշրջանառության կանխման ուղղությամբ, ռիսկերի կառավարման կոմպենդիումի վերանայման և այլ աշխատանքներ: Քննարկվել են նաև ՀՄԿ ռազմավարության 2022-2023թթ. կատարողականը, գալիք հաշվետու տարվա ռազմավարական ծրագրերն ու առաջնահերթությունները, ինչպես նաև Քաղաքականության, Ֆինանսական և Աուդիտի կոմիտեների տարեկան զեկույցները:

6. Հանդիպումները, ելույթները, բարձրացված կամ քննարկված հարցերը՝

Նիստերի ընթացքում ՀՄԿ անդամ պետությունների պատվիրակությունները, այդ թվում՝ ՀՀ պատվիրակությունը, ներկայացրել են իրենց դիրքորոշումը ՀՄԿ խորհրդի հաստատմանը ներկայացված փաստաթղթերի մասին, ինչպես նաև ՀՄԿ զարգացման ուղղություններին համահունչ՝ յուրաքանչյուր անդամ պետությունում իրականացվող աշխատանքների մասին տեղեկատվություն:

Միևնույն ժամանակ, խորհրդի աշխատանքներին զուգահեռ կայացել են նաև երկկողմ հանդիպումներ ԱՄՆ մաքսային և սահմանային պաշտպանության գործակալության (CBP), Հնդկաստանի կառավարության անուղղակի հարկերի և մաքսերի կենտրոնական խորհրդի, ինչպես նաև Ճապոնիայի ֆինանսների նախարարության Մաքսային և սակագնային բյուրոյի ներկայացուցիչների հետ:

7. Հանդիպման կամ հավաքի ժամանակ ընդունված որոշումները, պայմանավորվածությունները, ստորագրված փաստաթղթերը՝

ՀՄԿ խորհուրդը նիստերի ընթացքում հաստատել է Կարողությունների զարգացման կոմիտեի, Բարելավրթության ենթակոմիտեի, Ապրանքների

դասակարգման, ծագման և մաքսային արժեքի որոշման կոմիտեների, ինչպես նաև Մշտական տեխնիկական ու Իրավակիրարկման կոմիտեների տարեկան հաշվետվությունները, ՀՄԿ 2023-24թթ. ռազմավարության առաջնահերթությունները, Քաղաքականության հանձնաժողովի, Ֆինանսական ու Աուդիտի կոմիտեների հաշվետվությունները, ինչպես նաև գալիք ֆինանսական տարվա հանդիպումների ժամանակացույցը: Խորհրդի այս նիստերի ընթացքում ընտրվել են նաև Խորհրդի համանախագահող, տարածաշրջանային տեղակալներ, ինչպես նաև նոր գլխավոր քարտուղար, հաստատվել կամ ընտրվել են նաև Ֆինանսական, Աուդիտի կոմիտեի նախագահներ, տեղակալներ, կոմիտեի անդամներ, ինչպես նաև Քաղաքականության կոմիտեի անդամներ:

ՀՀ ՊԵԿ նախագահը և Հնդկաստանի կառավարության անուղղակի հարկերի և մաքսերի կենտրոնական խորհրդի նախագահը ստորագրել են Հայաստանի Հանրապետության կառավարության և Հնդկաստանի Հանրապետության կառավարության միջև մաքսային հարցերով համագործակցության և փոխադարձ օգնության մասին համաձայնագիր:

8. Առաջարկությունները, դրանց ընթացք տալու վերաբերյալ առաջարկները՝ եղանակը, ձևը, ժամկետները, պատասխանատուները, ակնկալվող արդյունքները՝

Նիստերին մասնակցությունը հնարավորություն է տվել ծանոթանալ համաշխարհային մակարդակում մաքսային գործի ոլորտի գլոբալ զարգացումներին, ՀՄԿ կողմից առաջարկվող նոր գործիքներին ու ստանդարտներին, ինչպես նաև առանձին անդամ պետություններում առևտրի պարզեցմանը, ապօրինի առևտրաշրջանառության կանխմանն ուղղված քայլերին: Ձեռք բերված տեղեկատվությունը ՀՀ մաքսային ծառայության կողմից կօգտագործվի մաքսային բարեփոխումների շրջանակում, այդ թվում՝ մաքսային քաղաքականության ու վարչարարության առաջիկա 5 տարիների ռազմավարության մշակման նպատակով: Միաժամանակ, ՀՄԿ-ի հետ համագործակցության շրջանակները, այդ թվում՝ ընթացիկ կոմիտեներին, ենթակոմիտեներին, հանձնաժողովների աշխատանքներին ներգրավվածության մակարդակն էապես կընդլայնվի, իսկ նստաշրջանների ընթացքում ձեռք բերված երկկողմ պայմանավորվածությունների արդյունքներով

կիրականացվեն շարունակական աշխատանքներ, այդ թվում՝ երկկողմ համաձայնագրերի կնքման ու տեղեկատվության (փորձի) փոխանակման շրջանակներում:

9. Ստորագրությունը, ամսաթիվը

Ն. Զեյնալյան



Ս. Ստեփանյան



26.06.2023թ.